



Broj: IUS-UO08-32/2011  
Sarajevo, 22.06.2011. godine

*U skladu sa članom 125. Zakona o visokom obrazovanju ("Službeni list Kantona Sarajevo", broj 22/10 – Prečišćeni tekst), Upravni odbor Internacionalnog univerziteta u Sarajevu, na svojoj sjednici održanoj 22.06.2011. godine, usvojio je sljedeću*

### **Odluku o osnivanju Ureda za osiguranje kvaliteta**

#### **I**

Ovom Odlukom se osniva Ured za osiguranje kvaliteta (QA Ured) kao jedno nezavisno tijelo IUS-a u okviru Rektorata.

#### **II**

QA se u svom punom sastavu sastoji od:

- Rukovodioca QA ureda
- Službenika za obučavanje osoblja
- Administratora za informacione tehnologije
- Predstavnik studentata (najmanje tri)

#### **III**

QA ured se osniva postavljanjem rukovodioca QA kao stalno zaposlenog radnika IUS-a u skladu sa kriterijima utvrđenim ovom odlukom.

Službenik za podučavanje osoblja i Administrator za informacione tehnologije se postavlja prema potrebama IUS-a, godišnjim planovima QA ureda, u skladu sa kriterijima utvrđenim ovom odlukom.

Predstavnici studentata se uključuju u aktivnosti QA ureda najkasnije tri mjeseca nakon uspostavljanja QA ureda i u skladu sa postupkom i nominacijama od strane Udruženja studentata i kriterijima utvrđenim ovom odlukom.

#### **IV**

QA ured može i po potrebi će uključivati drugo osoblje IUS-a i druge predstavnike studentata u posebne aktivnosti i može utvrditi posebne zadatke i odgovornosti pojedincima, timovima i organizacionim jedinicima, uz odobrenje Rektora. QA ured će u svom djelovanju uključivati druga tijela za osiguranje kvaliteta.

#### **V**

QA ured djeluje u skladu s odlukama Senata IUS-a, Pravilnika o QA na IUS-u, zakonom i drugim odgovarajućim okvirnim zakonima Bosne i Hercegovine i Evrope. Djeluje kao primjer odgovornog i etičnog rada IUS-a.

#### **VI**

Nezavisnost QA ureda podrazumijeva osiguranje svih potrebnih resursa IUS-a za izvršavanje uspješnih i efikasnih aktivnosti QA ureda i na sprovođenju procedura za osiguranje kvaliteta.

#### **VII**



Nezavisnost QA ureda znači da IUS pruža podršku punom integritetu QA ureda i omogućuje neograničeni pristupa svim odgovarajućim informacijama, procesima i aktivnostima.

#### VIII

Nezavisnost QA ureda podrazumijeva poseban status njegovih radnika kako bi na najbolji način radili i djelovali na razvoju IUS-a. Rukovodilac QA ureda se može razriješiti dužnosti tek nakon prethodno pribavljenog mišljenja Udruženja studenata, Etičkog komiteta i nakon što mu se pruži mogućnost da se obrati Upravnom odboru. Drugi članovi QA ureda se mogu razriješiti dužnosti tek nakon prethodno pribavljenog mišljenja rukovodioca QA ureda i nakon što im se pruži mogućnost da se obrate Senatu, osim u slučaju da oni sami pokrenu postupak razrješenja.

#### IX

Rukovodilac QA ureda se bira u skladu s općom politikom zapošljavanja i kriterijima IUS-a u skladu sa zakonom. Osim toga, primjenjuju se i sljedeći kriteriji: fakultetska diploma iz studija društvenih nauka, 3 godine radnog iskustva u oblasti osiguranja kvaliteta u visokoškolskim ustanovama.

#### X

Službenik za obučavanje osoblja se bira u skladu s općom politikom zapošljavanja i kriterijima IUS-a u skladu sa zakonom. Osim toga, primjenjuju se i sljedeći kriteriji: fakultetska diploma iz psihologije ili obrazovanja, s najmanje 240 studijskih bodova (ECTS) u ovim oblastima.

#### XI

Administrator za informacione tehnologije se bira u skladu s općom politikom zapošljavanja i kriterijima IUS-a u skladu sa zakonom. Osim toga, primjenjuju se i sljedeći kriteriji: fakultetska diploma, iskustvo u radu IT, dokazana stručnost u IT.

#### XII

Predstavnici studenata moraju biti uzorni i odgovorni studenti IUS-a. Njihovo učešće u radu QA ureda je na dobrovoljnoj osnovi, i ne smiju se prisiljavati da rade na određenom radnom mjestu, niti mogu dobijati novčanu nadoknadu za svoj rad.

#### XIII

Ova odluka stupa na snagu danom donošenja.

Predsjednik Upravnog odbora IUS-a

Prof. Dr. Hasan Zuhuri SARIKAYA